

Na osnovu člana 34. tačka 5. i člana 52. Statuta Grada Zenica ("Službene novine Grada Zenica", br. 5/15), a u vezi sa odredbom člana 6. Zakona o javnim preduzećima u federaciji BiH ("Službene novine Federacije BiH", br. 8/05, 81/08, 22/09 i 109/12), Gradonačelnik Grada Zenica, u funkciji skupština javnih preduzeća čiji je osnivač Grad Zenica, daje

PREPORUKU **o transparentnosti i socijalnom aspektu zapošljavanja**

I

Polazeći od svrhe osnivanja javnih preduzeća, a to je obavljanje djelatnosti od javnog, odnosno šireg društvenog interesa, kao i od potrebe unapređenja transparentnosti i odgovornosti u pogledu kvaliteta pružanja javnih usluga građanima i pravnim subjektima, s jedne strane, te imajući u vidu stanje velikog procenta nezaposlenosti na području Grada, s druge strane,

preporučuje se menadžmentima javnih preduzeća čiji je osnivač Grad Zenica da kod zapošljavanja primjenjuju principe transparentnosti i socijalne osjetljivosti, odnosno da provode postupak javnog oglašavanja upražnjenih radnih mjesta, kao i proceduru izbora putem formiranja komisija i obavljanja intervjua sa kandidatima koji ispunjavaju uslove utvrđene zakonskim propisima i općim aktima javnog preduzeća.

II

Prilikom procedure izbora i provođenja intervjua sa kandidatima, trebalo bi voditi računa o kriteriju socijalnog i posebnog statusa kandidata (prednost dati kandidatima koji žive u porodici bez prihoda, članovima porodica poginulih boraca, odnosno porodica šehida, RVI).

III

Ukoliko prijavljeni kandidati ne spadaju u kategorije iz tačke II, prilikom izbora i prijema u radni odnos, ne bi trebalo birati one čiji su članovi porodica zaposleni u gradskoj upravi, javnim preduzećima i javnim ustanovama.

IV

Zadužuju se direktori javnih preduzeća iz tačke I da javni oglas za prijem zaposlenika dostavljaju i za objavu na web stranici Grada Zenica, te da Gradonačelniku kvartalno dostavljaju izvještaje o prijemu novih zaposlenika.

V

Ova Preporuka se dostavlja svim javnim preduzećima čiji je osnivač Grad Zenica, a objaviće se na web stranici Grada Zenica.

Broj: 02-49-592 / 17
Zenica, 13.01.2017.

